

**VENDIM****Nr. 2, datë 19.1.2015****PËR NGRITJEN DHE
FUNKSIONIMIN E SEKRETARIATEVE
TEKNIKE, PËR ADMINISTRIMIN E
FONDIT PËR ZHVILLIMIN E
RAJONEVE**

Në mbështetje të nenit 100 të Kushtetutës dhe të nenit 15 e të aneksit 3, të ligjit nr. 160, datë 27.11.2014, “Për buxhetin e vitit 2015”, Komiteti për Zhvillimin e Rajoneve

VENDOSI:

1. Sekretariatet teknike në ministrinë përkatëse të linjës, ngrihen me akt të posaçëm të ministrit përkatës, sipas programeve të financimit nga Fondi për Zhvillimin e Rajoneve, specifikuar si më poshtë vijon:

a) Shtylla 1: Programet e zhvillimit vendor dhe rajonal

- Sekretariati teknik për grantin konkurrues për infrastrukturën vendore dhe rajonale, pranë Ministrisë së Zhvillimit Urban dhe Turizmit;

- Sekretariati teknik për grantet konkurruese për arsimin, pranë Ministrisë së Arsimit;

- Sekretariati teknik për grantin konkurrues për shëndetësinë, pranë Ministrisë së Shëndetësisë;

- Sekretariati teknik për grantin konkurrues për artin dhe kulturën, pranë Ministrisë së Kulturës;

- Sekretariati teknik për grantin konkurrues për ujësjellës-kanalizimet, pranë Ministrisë së Transportit dhe Infrastrukturës;

- Sekretariati teknik për grantin konkurrues për vaditjen dhe kullimin, pranë Ministrisë së Bujqësisë, Zhvillimit Rural dhe Administrimit të Ujërave;

- Sekretariati teknik për grantin konkurrues për rehabilitim mjedisor, gjelbërimin dhe pyllëzimin, pranë Ministrisë së Mjedisit

b) Shtylla 2: Programi “Shqipëria digjitale” (inovacioni dhe teknologjia e informacionit dhe komunikimit):

- Sekretariati teknik për grantin konkurrues për programin “Shqipëria digjitale”, pranë Ministrit të Shtetit për Inovacionin dhe Administratën Publike.

2. Përbërja e sekretariateve teknike duhet të sigurojë/garantojë vendimmarrje politike, planifikim dhe programim nevojash për financim, sipas specifikës së programit, vlerësim teknik dhe financiar të projekteve, si dhe asistencë në mirëmbajtjen dhe përditësimin e bazës elektronike të informacionit.

3. Sekretariatet teknike ngarkohen:

- të administrojnë aplikimet, të kryejnë procesin e vlerësimit tekniko-financiar, ligjor, të përputhshmërisë me programet dhe nënprogramet zhvillimore, impaktin e aplikimeve për financim dhe raportimin pranë Sekretariatit të Përgjithshëm të Komitetit për Zhvillimin e Rajoneve, përpara datës së mbledhjes së Komitetit për Zhvillimin e Rajoneve, sipas aneksit 1, bashkëlidhur këtij vendimi;

- të bëjnë njoftimin zyrtar të subjekteve fituese, monitorimin e statusit dhe ecurisë së zbatimit të projekteve dhe raportimin pranë Sekretariatit të Përgjithshëm të Komitetit për Zhvillimin e Rajoneve, çdo 1 (një) muaj, duke filluar nga data e publikimit në “Fletoren zyrtare”, të vendimit për financim nga Komiteti për Zhvillimin e Rajoneve, sipas aneksit 2, bashkëlidhur këtij vendimi;

- të bëjnë vlerësimin e riskut financiar dhe të zbatimit, realizimit të investimeve dhe impaktit të projekteve të financuara nga Fondi për Zhvillimin e Rajoneve dhe raportimin pranë Sekretariatit të Përgjithshëm të Komitetit për Zhvillimin e Rajoneve, në mënyrë periodike, duke filluar nga data e publikimit në “Fletoren zyrtare”, të vendimit për financim nga Komiteti për Zhvillimin e Rajoneve, sipas aneksit 2, bashkëlidhur këtij vendimi.

- të bëjnë raportimin vjetor mbi performancën e financimit e të zbatimit të programeve dhe nënprogrameve, pranë Sekretariatit të Përgjithshëm të Komitetit për Zhvillimin e Rajoneve, jo më vonë se java e dytë e muajit dhjetor të vitit kontraktual, sipas aneksit 3, bashkëlidhur këtij vendimi.

- të bëjnë analizën vjetore, të programojnë politikën dhe drejtimit prioritar të vitit të ardhshëm, dhe të dërgojnë propozimet për programet e nënprogramet e zhvillimit pranë Sekretariatit të Përgjithshëm.

4. Rregullat e organizimit të punës hartohen të detajuara dhe miratohen nga ministri përgjegjës për



menaxhimin e programeve dhe nënprogrameve, respektive.

5. Ngarkohen ministri i Zhvillimit Urban dhe Turizmit, ministri i Arsimit, ministri i Shëndetësisë, ministri i Kulturës, Ministri i Transportit dhe Infrastrukturës, ministri i Bujqësisë, Zhvillimit Rural dhe Administrimit të Ujërave, ministri i Mjedisit, ministri i Shtetit për

Inovacionin dhe Administratën Publike dhe Sekretariati i Përgjithshëm i Komitetit për Zhvillimin e Rajoneve, në Kryeministri, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYETARI
Edi Rama

Zëvendëskryeministri
Ministri i Financave
Ministri i Zhvillimit Ekonomik, Tregtisë dhe Sipërmarrjes
Ministri i Zhvillimit Urban dhe Turizmit
Ministri i Transportit dhe Infrastrukturës
Ministri i Arsimit dhe Sportit
Ministri i Shëndetësisë
Ministri i Bujqësisë, Zhvillimit Rural dhe Administrimit të Ujërave
Ministri i Kulturës
Ministri i Mjedisit
Ministri i Punëve të Brendshme
Ministri i Shtetit për Inovacionin dhe Administratën Publike
Ministri i Shtetit për Çështjet Vendore
Kryetari i Shoqatës së Bashkive të Shqipërisë
Kryetari i Shoqatës së Komunave të Shqipërisë
Kryetari i Shoqatës së Qarqeve të Shqipërisë
Kryetari i Shoqatës për Autonomi Vendore

Anëtar;
Anëtar;
Anëtar;
Anëtar;
Anëtar;
Anëtar;
Anëtar;

Anëtar;
Anëtar;
Anëtar;
Anëtar;
Anëtar;
Anëtar;
Anëtar;
Anëtar;
Anëtar;
Anëtar.



Aneksi 1. Raporti i vlerësimit tekniko-financiar për aplikimet për financim (model reference)



REPUBLIKA E SHQIPËRISË

Ministria e _____

RAPORTI I VLERËSIMIT TË PROJEKTEVE

FZHR 2015

SEKRETARIATI TEKNIK

1. Përshkrim i përgjithshëm

Në bazë të vendimit nr. ____ datë ____, të Komitetit për Zhvillimin e Rajoneve, pranë Këshillit të Ministrave “Për _____”, Ministria e _____, në rolin e sekretariatit teknik, pranoi aplikimet për financim të ____ projekteve nga njësitë e qeverisjes vendore, agjencitë e zhvillimit, nga data ____ deri në datën _____. Projektet konsistojnë konkretisht në fushat:

- _____
- _____
- _____

Për të gjitha projektet aplikuese është kryer vlerësimi në bazë të kriterëve të përcaktuara në vendimin(et) të sipërcituar(a) si dhe nënkriteret e përcaktuara nga sekretariati teknik, dhe për projektet e vlerësuara në përputhje me këto kërkesa është kryer vlerësimi teknik. Procesi i verifikimit dhe vlerësimit teknik të projekteve është kryer nga Sekretariati Qendror Teknik i Ministrisë së ____ i ngritur me urdhrin nr ----- datë ----- nga ministri i -----, Z.----- ----- Vlerësimi u krye, i asistuar nga stafi i Ministrisë në rolin e sekretariatit teknik.

2. Procesi i vlerësimit

Të gjitha projektet janë vlerësuar sipas kriterëve ligjore dhe teknike të përcaktuara në vendimin e KZHR-së dhe nënkriteret e Sekretariatit Qendror të Fondit të Zhvillimit të Rajoneve.

Kriteret e vlerësimit teknik janë, si më poshtë:

- Cilësia teknike dhe kostimi (detaje teknike dhe preventiv i kostuar saktë sipas buletinit), nga 0-25 pikë;
- Nivel i ulët i riskut (zbatim me sukses i projektit dhe përdorim në kohë i fondeve publike), 0-10 pikë;
- Ndikimi i projektit (në më shumë se një njësi vendore, 0-5 pikë dhe në shërbimet bazë në cilësinë e jetës, nga 0-5 pikë);
- Bashkëfinancim nga njësitë vendore ose donatorët, nga 0-5 pikë;
- Numri i përfituesve në mënyrë të drejtpërdrejtë ose të tërthortë nga realizimi i projektit, nga 0-10 pikë;



- Analizat dhe studimet e kryera (studim i ndikimit në mjedis, studim fizibiliteti etj.), nga 0-5 pikë.
- Qëndrueshmëria e investimit (kosto mirëmbajtje për vazhdimësinë etj.), nga 0-5 pikë.

(mënyra e vendosjes së pikëve për secilin nga kriteret e mësipërme pasyrohet në tabelën shoqëruese për secilin nga projektet që janë vlerësuar gati për zbatim.

3. Përgatitja e vlerësimit teknik për secilin projekt

Raporti i vlerësimit përfshin të gjitha të dhënat e marra gjatë procesit të vlerësimit. Në raport përcaktohen qartë të dhënat teknike të projektit, kategorizime të cilësisë së dokumentacionit, statusi i zbatueshmërisë së projektit, si dhe ndikimi në mjedis dhe studimi i fizibilitetit (opsionale).

Projektet janë kategorizuar në ---- grupe, si më poshtë vijnë:

- Projekte gati për zbatim, të strukturuar sipas qarqeve, njësive vedore dhe vlerave respektive;
- Projekte që kanë nevojë për përmirësime, të strukturuar sipas qarqeve, njësive vendore dhe vlerave respektive; dhe
- Projekte që nuk janë gati për zbatim *(për të cilat është gjykuar të njoftohen për plotësimin dhe saktësimin e dokumentacionit për të vijuar me trajtimin në fazën pasardhëse)*

Bazuar në problematikën e ndeshur, janë hartuar komentet për secilin projekt në formatin e vlerësimit.

4. Gjetje kryesore e rekomandime

Pas verifikimit të projekteve që kanë aplikuar pranë sekretariatit teknik u konstatua një numër i madh aplikimesh që plotësonin kriteret teknike dhe u klasifikuan si projekte gati për zbatim, përkatësisht:

1. -----
2. -----
3. -----
4. -----
5. -----

Referuar kategorizimit të mësipërm, nga ----- projekte të shqyrtuara, rezulton, si më poshtë vijon:

STATUSI I PROJEKTEVE	NUMRI I PROJEKTEVE
Projekte gati për zbatim	-----
Projekte të cilat janë gati për zbatim, por kanë nevojë për përmirësime	-----
Projekte të cilat nuk janë gati për zbatim	-----



Në përfundim të vlerësimit, konstatohet se janë ----- projekte gati për zbatim, të vlerësuara sipas kritereve të vlerësimit teknik e financiar.

Raporti i plotë i sekretariatit teknik, për efekt dokumentimi të procesit, duhet të ketë bashkëlidhur:

- **Lidhja 1**

Tabela e projekteve që janë gati për zbatim, të strukturuar sipas qarqeve, njësive vendore dhe vlerave respektive.

- **Lidhja 2**

Tabelat e vlerësimit me pikë, sipas kritereve teknike, për të gjitha projektet të kategorizuara si gati për zbatim.

- **Lidhja 3**

Pasaportat specifike për sicilin projekt fitues.

- **Lidhja 4**

Lista e plotë e aplikimeve që kanë depozituar njësitë aplikuese, pranë Ministrisë së -----.



Aneksi 2. Raporti mbi statusin e projekteve fituese dhe ecurinë e zbatimit të punimeve (model reference)



REPUBLIKA E SHQIPËRISË

Ministria e _____

**RAPORT MBI STATUSIN E PROJEKTEVE FITUESE DHE ECURINË E
ZBATIMIT TË PUNIMEVE**
FZHR 2015
SEKRETARIATI TEKNIK

I. Statusi i projekteve fituese në varësi të aplikimit të procedurave të prokurimit

- Jepni statusin e projekteve fituese, duke paraqitur numrin e projekteve që:
 - a) nuk kanë nisur procedurat e prokurimit,
 - b) kanë shpallur tenderin,
 - c) janë duke vlerësuar ofertat,
 - ç) kanë shpallur fituesin,
 - d) kanë lidhur kontrata, dhe,
 - dh) kanë nisur punimet.
- Paraqitni problematikën e ndeshur gjatë aplikimit të procedurave të prokurimit dhe jepni numrin e projekteve që kanë vonesa në aplikimin e procedurave të prokurimit.
- Verifikoni dhe raportoni nëse ka projekte të cilat nuk kanë respektuar ose janë të vonuar në aplikimin e procedurave të prokurimit, duke rrezikuar djegien e fondit të akorduar e, si rrjedhojë, mund/duhet t'u anulohet financimi i projektit.
- Sa janë tepricat e fondeve të akorduara, pas lidhjes së kontratave të punimeve, dhe bëni propozime për rialokimin e fondeve të tepruara, sipas nevojave të programit.

II. Ecuria e zbatimit të punimeve, të projekteve fituese

- Si ka qenë ecuria e projekteve që nga momenti i çeljes së fondeve? Jepni statusin e projektit në %, përshkruani fazën në të cilën ndodhet.
- Cilat janë aktivitetet që pasojnë deri në përmbylljen e projektit. Jepni afatin e parashikuar për përmbylljen e projektit.



- Sa projekte janë përmbylluar dhe sa janë në vazhdim? Jepni edhe vlerën e fondit të nevojshëm për përmbylljen e projekteve në vazhdim, sipas fushave respektive të financimit.
- Verifikoni dhe raportoni nëse ka projekte, të cilat:
 - a) kanë performancë të dobët të zbatimit të punimeve, dhe për të cilat duhet reduktuar fondi i akorduar për vitin kontraktual;
 - b) kanë performancë shumë të mirë të zbatimit të punimeve dhe duhet avancuar me fondin e akorduar për vitin kontraktual.

III. Vlerësimi i riskut financiar për projektet me ecuri punimesh nga 0-10%

- Vlerësimi i riskut të realizimit të investimit, të planifikuar për vitin 2015, të bëhet në bazë të 4 (katër) kriterëve të vlerësimit, si më poshtë vijon:
 - c) Statusi aktual i projektit (nuk ka nisur procedura, në tenderim, lidhur kontratën);
 - d) Zbatueshmëria/mundësia kohore e projektit;
 - a) Mundësia zbatuese/menaxhuese e autoritetit kontraktues (niveli i NJQV që menaxhon fondin);
 - b) Vlera e planifikuar për investim në vitin 2015.
- Jepni numrin e projekteve sipas klasifikimeve “Risk i lartë”, “Risk mesatar” dhe “Risk i ulët”.

IV. Rekomandime dhe sugjerime

- Propozoni zgjidhje dhe jepni rekomandime për administrimin e riskut dhe të projekteve, sipas klasifikimeve të riskut.



Aneksi 3. Raporti vjetor mbi performancën e Fondit për Zhvillimin e Rajoneve (model reference)



REPUBLIKA E SHQIPËRISË

Ministria e _____

RAPORT VJETOR MBI PERFORMANCËN E FZHR

FZHR 2015

SEKRETARIATI TEKNIK

Ky raport vlerësues përmbledh ecurinë e Fondit për Zhvillimin e Rajoneve (FZHR). Do të përmbajë të dhëna shifrore, tabelare etj., mbi numrin e projekteve të aplikuara, të shpallura fituese për financim, informacion mbi projektet në vazhdim të trajtuara me skemën e borxhit. Probleme të identifikuar dhe rekomandime për adresimin e tyre:

I. Ecuria e Fondit për Zhvillimin e Rajoneve për vitin 2014

- Sa është fondi i alokuar për vitin 2014, i ndarë sipas fushave të investimit. Informacioni të shoqërohet me të dhëna shifrore dhe tabelare.
- Jepni numrin e NJQV-ve që kanë aplikuar, numrin e projekteve të aplikuara dhe numrin e projekteve të shpallura fituese. Informacioni mbi projektet e financuara duhet të paraqesë dhe orientimin e financimit sipas rajoneve të Shqipërisë.
- Si ka qenë ecuria e projekteve që nga momenti i çeljes së fondeve? Jepni statusin e projektit në %, përshkruani fazën në të cilën ndodhet dhe cilat janë aktivitetet që pasojnë deri në përmbylljen e projektit. Jepni afatin e parashikuar për përmbylljen e projektit.
- Sa projekte janë përmbyllur dhe sa janë në vazhdim? Jepni edhe vlerën e fondit të nevojshëm për përmbylljen e projekteve në vazhdim, sipas fushave respektive të financimit (infrastrukturë vendore, ujësjellës-kanalizime, vadijtje-kullim, arsim, pyllëzim, shëndetësi, art-kulturë).
- Vlerësoni se cilat nga NJQV-të rrezikon menaxhimin apo përmbylljen e projektit/investimit, si pasojë e reformës territoriale, ndryshimit të kufijve administrativë.
- Paraqitni problematikën e identifikuar gjatë procesit të FZHR-së në tërësi (shpallja e thirrjes, shpërndarja e fondit, çelja në thesar, prokurimi e tenderimi, komunikimi me NJQV-të etj.). Propozoni zgjidhje dhe jepni rekomandime për adresimin e problematikës së ndeshur.

II. Planifikimi i Fondit për Zhvillimin e Rajoneve 2016

- Jepni parashikimet / projeksionin e Fondit për Zhvillimin e Rajoneve për periudhën 2016, sipas parashikimeve buxhetore 2016.
- Sa i përmbush ky fond i parashikuar për periudhën 2016 nevojat e ministrisë për mbylljen e projekteve në vazhdim dhe hapjen e projekteve të reja.

III. Rekomandime dhe sugjerime

- Propozoni zgjidhje dhe jepni rekomandime për administrimin dhe koordinimin e Fondit për Zhvillimin e Rajoneve.

